



CONCELLO DAS PONTES DE GARCÍA RODRÍGUEZ (A CORUÑA)

Parque Municipal s/n CP 15320 Teléf.981453116 Fax 981453185 REL 01150709 CIF P1507100D

Expte. núm. 2020/X999/000

Ref.:MSL

MEMORIA PROPOSTA PARA A CONSULTA PÚBLICA PREVIA Á ELABORACIÓN DUNHA ORDENANZA XERAL DE SUBVENCÍONS E TRANSFERENCIAS DO CONCELLO DAS PONTES DE GARCÍA RODRÍGUEZ

De conformidade co disposto no artigo 133 da Lei 39/2015, do 1 de outubro, do procedemento administrativo común das administracións públicas (LPACAP) e co obxectivo de mellorar a participación da cidadanía no procedemento de aprobación das normas de natureza regulamentaria, substanciase unha consulta pública, por un prazo de quince (15) días hábiles, a través do Portal de Transparencia desta entidade local, integrado na páxina web aspontes.org, con carácter previo á elaboración da ordenanza xeral de subvencións e transferencias do concello das Pontes de García Rodríguez.

Durante o expresado trámite de consulta pública os cidadáns, organismos e asociacións, que consideren que resultan afectados pola futura norma, poden facer chegar as súas alegacións, achegas ou suxestións –indicando sempre o seu nome e apelidos ou denominación social, mediante correo electrónico dirixido a: consulta publica@aspontes.org, verbo dos seguintes aspectos:

- a) Problemas que se pretenden solucionar coa antedita norma.
- b) Necesidade e oportunidade da súa aprobación.
- c) Obxectivo da norma.
- d) Posibles solucións alternativas regulatorias e non regulatorias.

As suxestións, achegas e alegacións presentadas que cumpran os expresados requisitos recibirán o xustificante de recepción a través do dito enderezo de correo electrónico.

1.- QUE SE PRETENDE SOLUCIONAR COA INICIATIVA:

Con esta norma pretendemos homoxeneizar a tramitación e regulación das subvencións que anteriormente estaban recollidas nas bases reguladoras que tramitaba cada unidade xestora. Tamén recoller, entre outros, as concrecións nas condutas que poden ser constitutivas de infraccións graves ou moi graves.

2.- POSIBLES SOLUCIÓNS ALTERNATIVAS:

A proposta consiste en adoptar unha regulación sobre as subvencións e transferencias facendo uso da potestade regulamentaria municipal recoñecida no artigo 4.1.a) Lei 07/1985, do 2 de abril, reguladora das bases do réxime local e pola propia esixencia legal de que as bases reguladoras se aproben a través dunha ordenanza xeral ou específica de cada modalidade (art. 17.2 da Lei Xeral de Subvencións).

A opción de non regulamentar as subvencións e transferencias suporía renunciar a dispoñer dunha norma que desenvolva os preceptos legais aplicables, co que se estima necesario o exercicio daquela potestade regulamentaria.

En canto á alternativa entre regulamento ou ordenanza, non existe unha norma que estableza en que caso procede adoptar un ou outro tipo de disposición, pero véñse



CONCELLO DAS PONTES DE GARCÍA RODRÍGUEZ (A CORUÑA)

Parque Municipal s/n CP 15320 Teléf.981453116 Fax 981453185 REL 01150709 CIF P1507100D

Expte. núm. 2020/X999/000

Ref.:MSL

considerando que os regulamentos refírense á autoorganización municipal, en tanto que as ordenanzas teñen como finalidade a de ordenar as relacións veciñais. Neste caso, como tería eficacia ad extra, parece máis adecuado optar por unha ordenanza.

En calquera caso, será o Pleno o órgano que aprobe a regulación proposta. En primeiro término porque, en ocasións, dita regulación supoñerá un desenvolvemento das leis 38/2003 e o seu regulamento e porque as normas que se adopten afectarán de forma directa á cidadanía, polo que a seguridade xurídica esixe que se aproben polo órgano que ten atribuída a potestade regulamentaria.

3.- NECESIDADE E OPORTUNIDADE DA SÚA APROBACIÓN:

Na actualidade o concello carece de normativa reguladora das subvencións e transferencias, co que é preciso elaborar unha norma que desenvolva os contidos da lei de subvencións e do seu regulamento citados.

4.- OBXECTIVOS DA NORMA:

A iniciativa pretende dar claridade á tramitación administrativa das subvencións e recoller prácticas e criterios seguidos por esta administración na aprobación e xestión das convocatorias das subvencións, recoller a atribución do procedemento de reintegro e desenvolver a potestade sancionadora.

En vista de todo o exposto, formulo a seguinte proposta:

PRIMEIRO.- Someter a consulta pública previa a elaboración dunha ordenanza xeral de subvencións e transferencias do concello das Pontes, durante un prazo de 15 días hábiles.

Durante este prazo calquera persoa poderá aportar as suxerencias ou opinións que estime oportunas.

SEGUNDO.- O prazo de consultas comezará a computar a partir do día seguinte ao da publicación desta memoria no portal de transparencia do concello. As suxestións enviaranse ao correo consulta publica@aspontes.org.

As Pontes de García Rodríguez, de febreiro de 2020

A concelleira de Organización Económica

María del Rosario Méndez Gil